

# Kvennalisti enn og aftur

Nú er Alþingi að hefja störf að nýju eftir jólahlé. Má búast við að á næstu mánuðum einkennist þinghald af því að í hönd fara kosningar til Alþingis. Eins og öllum er kunnugt hefur Kvennalistinn begar ákveðið framboð í Reykjavík, á Reykjanesi, Vesturlandi og á Norðurlandi eystra og konur eru farnar að hugsa sér til hreyfings í öðrum kjördæmum. En hvers vegna Kvennalisti? Margir spyrja svo enn brátt fyrir að nú séu 6 ár liðin frá því að kvennaframboðin á Akureyri og í Reykjavík komu fram og eftir næra 4 ára setu fulltrúa okkar á Alþingi.

Konur hafa löngum verið óánægðar með sinn hlut innan valdastofnana þjóðfélagsins. Karlar hafa verið þar allsráðandi. Ekki hefur verið tekið tillit til sjónarmiða kvenna jafnt og karla og er því aðallega um að kenna að konur hafa ekki komið þar nærrí nema að mjög takmörkuðu leyti. Pessu vildu konur reyna að breyta með sérframboði þar sem lagðar eru til hliðar hugmyndir um jafnrétti sem fela í sér rétt kvenna til að vera eins og karlar. Pessi stað er lagt til grundvallar að reynsluheimur kvenna og karla er ekki sá sami og þess vegna hafa konur aðra sýn til málá en karlar. Öll mál þarf því að skoða út frá sjónarhorni kvenna ekki síður en karla.

Við kvennalistakonur teljum að til þess að koma þessum sjónarmiðum að á þeim stöðum þar sem ráðum er ráðið þurfi konur enn að bjóða fram sérlista kvenna til Alþingis og sveitarstjórnar. Við viljum skoða og skilgreina heiminn út frá okkar eigin forsendum. Karlaflökarnir eru of staðnaðir til að kvennasjónarmið hafi þar einhvern hljómgrunn.

## Valddreifing

Eitt af grundvallarstefnumiðum

## Kjallarinn



**Kristín  
Einarsdóttir  
lífelisfræðingur**

Kvennalistans er valddreifing. Í starfsháttum Kvennalistans og vinnubrögðum hefur það verið haft að leiðarljósi að ábyrgð og völd séu ekki í fárra höndum. Við tölum ekki bara um valddreifingu, við sýnum hana í verki. Í nefndum og ráðum, bæði innan hreyfingarinnar og þar sem fulltrúar Kvennalistans sitja, höfum við skipt um fulltrúa með ákveðnu millibili. Pessi tilhögun hefur að mínum dómi fleira jákvætt í för með sér en neikvætt, þótt alltaf megi deila um hve lengi fólk eigi að vera á hverjum stað. Óneitanlega hefur þetta í för með sér röskun á því kerfi sem fyrir er og hefur oft verið sagt við okkur að svona sé nú ekki hægt að hafa þetta. En þetta höfum við gert og hefur gengið ljómandi vel.

## Enn meiri ruglingur og ringulreið

OG NÚ ÆTLA kvennalistakonur enn að rugla og róta til í kerfinu, kerfi sem við vorum og erum enn óánægð.

„Í starfsháttum Kvennalistans og vinnubrögðum hefur það verið haft að leiðarljósi að ábyrgð og völd séu ekki í fárra höndum.“

ar með. Við höfnum þeirri miðstýringu sem felst í því að fáir eða jafnvel einn maður hafi vald til að gera það sem honum sýnist í nafni flokks, ríkisstjórnar eða heillar þjóðar. Ég er viss um að það skapar minni rugling og ringulreið í þjóðfélaginu að dreifa valdinum heldur en að það safnist á hendur fárra. Dæmin, bæði frá prófkjörum undanfarið, þar sem sumir menn geta ekki skilið annað en að þeir eigi efstu sæti listanna, svo og atburðir síðustu daga um valdnáðslu einstakra ráðherra, styrkja okkur í þeirri trú að okkar vinnubrögð og starfshættir séu það sem aðrir ætta að taka sér til fyrirmyndar.

## Hvað með starfsreglur?

Því var haldið fram í forystugrein eins dagblaðanna fyrir skómmu að Kvennalistinn hefði engar starfsreglur. Þar standur einnig að lýðræðislegir stjórnarhættir krefjist þess að settar séu leikreglur og þær í heiðri hafðar. Sá sem svo skrifar hefur greinilega ekki kynnt sér starfsreglur og lýðræðisleg vinnubrögð Kvennalistans. Ég held að nær væri fyrir aðrar stjórnálahreyfingar að líta í eigin barm og spyrja hvort þær starfsreglur sem þar gilda leiði til lýðræðislegra stjórnarháttar og hvort þær reglur séu í heiðri hafðar.

## Jákvæð viðbrögð

Ég er svo sannarlega ánægð með hve jákvæð viðbrögð fólk hafa verið við þeirri ákvörðun þingkvenna Kvennalistans að lýsa því yfir fyrirfram að þær ætli að segja af sér þingmennsku eftir 6 ára setu á þingi.“

6 ár eða 8 ár er betra en eitthvað annað, en eitt er víst að allt of margir eru búin að koma sér of vel fyrir í sætunum. Ég hef engar áhyggjur af því þótt einstaka mönnum finnist við rugla það sem þeir telja vera réttar reglur og starfshætti.

## Kosningabaráttan framundan

Við kvennalistakonur höldum bjartsýnar út í þá kosningabaráttu sem nú er að hefjast, sannfærðar um að okkar kvennapólitík eigi erindi í íslenskar stjórnálaumræður nú sem fyrr. Við stefnum að þjóðfélagi þar sem allir, konur, karlar og börn, eru jafnvirtir og jafnréttiháir. Ég tel að sérframboð kvenna sé ein leið að þessu marki. Þess vegna tek ég þátt í baráttunni ásamt öllum hinum kvennalistakonunum.

Kristín Einarsdóttir.

